



UNIVERSITÄTS-
BIBLIOTHEK
PADERBORN

Mariae Virginis Sacratiss. Miraculorum Libri Tres

Vismara, Ercole

Mediolani, 1579

Camillo Castellionæo Senatori Viro Ampliss. Hercules. Vincemala Iuriscon
S. D.

[urn:nbn:de:hbz:466:1-64305](https://nbn-resolving.org/urn:nbn:de:hbz:466:1-64305)

CAMILLO
CASTELLIONAEO
SENATORI
VIRO. AMPLISS.



HERCVLES. VINCEMALA
Iurifcon. S. D.



VM mihi, omni aditu praesepto, erumpendum sit in confertissimum obtrektorum agmen, qui districtis gladijs in me impetum facere parati sunt; animum, uir clarissime, desponderem, nisi firmis propugnaculis auxilia vndiq. prius viderem comparata. Illibatam. n. Dei parentem contestatus sum, ut secundi huius libri scriptio mihi feliciter eueniret. Eius manfuetudo, quae adeò mirabilis est, ut quocunq. se uertat, omnium conuertat animos, ac mentis, tam acreis mihi stimulos admouit; ut

N 2 iam

iam ad finem librum ipsum perduxerim. Sed is in lucem minimè prodire audens, nisi aliquo praesidio sit septus, ac videns superiorem libellum tanto defensore suffultum esse, ad te vltro confugit; & te, qui nunc in tanta gloriae luce, atq. in tanta nominis celebritate uiuis, sibi patronum aduocat. tuum autem hoc patrocinium uel summorum principum clientelis dulcius, ac iucundius erit. Quòd si tu ei, qui se tuae fidei permittit, subsidio eris; ad referendam tibi gratiam illam, cui is consecratus est, inuocabo. Si mihi dux eris, nemo ad alia properantem prohibebit, aut iter demorabitur. Licet. n. omnia nunc odio, atq. inuidia laborent; nunquam tamen ab instituto meo recedam; sed rectis studijs contendens, in ea animum intendam, in quib. impensius laborasse, & multum studij adhibuisse, suaue erit. Atq. utinam ea praestare possim; quib. non prorsus indignus, qui huiusmodi res aggredere, fuisse videar. Dilatetur aliorum gloria in prodendis posterorum memoriae hominum laudib., dum inde caducum, & fragile praemium expectant.

Eos

Eos ego aemulari non exopto. Nam, si ad illa tantummodo adhaereamus, quae longinquo aevo fluunt, & quae ex oculis nostris uetustas subducit; nihil non atra caligine circumfusum reperiemus. Quinimmo, dum nos in cursu a tergo mors insequens improvisos, & non opinanteis adsequitur; non clam nobis erit, nihil hic esse perpetuum, nihil, quod non prius, quàm datum, ademptum sit. Inueterascunt, extinguuntur, cadunt omnia. Itaq. nos diuinis, immortalibusq. ius factis ad scribendum REGINA illa inflammet; cuius splendore sol, cum per terrarum orbem clarius radios fundit, vincitur; cuius lux, ut exoriens aurorae nitor ex animis nostris quascunq. tenebras discutere potest. Hinc nobis huiusmodi praemia ferre licet, quae non carie, aut situ consumuntur; quae nunquam in eruginem incidunt. Ipsa, quae diuini spiritus ictu saucia immotos in filium oculos tenet, in id lumen, quod nullis vnquam nebulis, aut nimbis adspergi potest, nos conatur extollere. De te autem amplissime CASTELLIONAEE, non dubito, quin hosce meos labores

labores ea animi propensione sis complexurus; qua in Mediolanensi ditione iustitiam tueri soles; cuius tam acris es defensor, ut inde tibi in coelum ad beatorum concilium, ac coetum viam munias. Quòd si aliquando ab earum rerum fluctib., in quib. etiam grauisimi uiri saepe tempestate reiecti cursum tenere non possunt, ad miraculorum lectionem vacuo animo diuerteris, leni remorum pulsu, licet maximè ventus saeuat, commodissimo hoc traiectu, tranquillissimum portum attinges. E pectore solues animi curas, perspiciens, quàm saepe, quàm benignè mortalib. candida illa lux effulserit, in qua nouem mensis sol ille commoratus est; cuius lumine complentur omnia; cuius splendore nihil est, quod non perfundatur, & pelluceat. Ut à tot, tantisq. occupationib. aliquando conquiescas, ac respices, miram hic tranquillitatem, ne minima quidam aura fluctus conciente, inuenies. Vale. Mediolani. Kal. Sextil. ∞. IO. LXXIX.